

Atvinnuvega- og nýsköpunarráðuneytið
Hinrik Greipsson
Skúlagötu 4
150 Reykjavík

Súðavík, 5. desember 2015

Efni: Sérreglur vegna úthlutunar byggðakvóta fiskveiðíárið 2015-2016

Vísað er í bréf dagsett. 20. október 2015 þar sem er upplýst er að Súðavík hafi verið úthlutað 180 þorskigildistönnum vegna fiskveiðíársins 2015/2016 og ef sveitarfélög vilji setja sérstök skilyrði varðandi úthlutun byggðakvóta skal skila inn rökstuddum tillögum til ráðuneytisins fyrir 15. nóvember 2015.

Súðavíkurhreppur hefur frest frá Atvinnuvega og nýsköpunarráðuneytinu til að senda inn sérreglur vegna úthlutunar byggðakvóta fiskveiðíárið 2015 – 2016 til 5. desember.

Á 22. fundi sveitarstjórnar Súðavíkurhrepps sem haldinn var þann 4. des. 2015 var eftirfarandi tillaga samþykkt:

Með vísan til 2. og 3. gr. reglugerðar nr. 652/2015 um úthlutun byggðakvóta til fiskiskipa á fiskveiðíárinu 2015/2016 óskar Súðavíkurhreppur eftir samþykki Atvinnuvega- og nýsköpunarráðuneytisins á eftirfarandi tillögur að breytingum á ofangreindri reglugerð vegna sérstakra skilyrða.

Ákvæði reglugerðar nr. 652 frá 3. júlí 2015 gildi um úthlutun byggðakvóta fyrir Súðavík með eftirfarandi viðauka/breytingum:

Ákvæði reglugerðar nr. 652 frá 3. júlí 2015 gildi um úthlutun byggðakvóta fyrir Súðavík með eftirfarandi viðauka/breytingum:

1. grein breytist og verður:

a) a-liður 1. gr. breytist pannig:

Hafa leyfi til veiða í atvinnuskyni, sbr. 4. gr. laga nr. 116/2006 eða frístundaveiðileyfi skv. 2. tl. 4. mgr. 6. gr. sömu laga, við lok umsóknarfrests.

b - liður 1.gr. breytist pannig:

Eru skráð í viðkomandi byggðalag 1. desember 2015

c. liður breytist pannig:

Eru í eigu eða leigu einstaklinga eða lögaðila með heimilisfang í viðkomandi byggðalagi 1. desember 2015.

Miðað skal við lögheimili einstaklinga samkvæmt þjóðskrá og heimilisfang lögaðila samkvæmt fyrirtækjaskrá ríkisskattstjóra.

4. gr. breytist og verður:

Skipting þess aflamarks, sem nú kemur í hlut byggðarlags, auk þess aflamarks byggðarlagsins sem kann að vera eftir af úthlutun fyrra fiskveiðiárs, skal að öðru leyti fara fram til einstakra fiskiskipa sem uppfylla skilyrði 1. gr., sbr. og reglur um sérstök skilyrði fyrir úthlutun byggðakvóta í einstökum sveitarfélögum sem ráðuneytið staðfestir samkvæmt 2.-3. gr., eftir því sem við á, á þann veg að:

15% byggðakvóta Súðavíkur skal skipt jafnt milli þeirra fiskiskipa sem uppfylla skilyrði 1. gr. reglugerðarinnar og eru með frístundaveiðileyfi/ krókaflamark.

80% byggðakvótans í Súðavík skal skipta jafnt á þá báta sem landað hafa 50% eða meira af sínum afla fiskveiðiárið 2014-2015 í Súðavík og hafa leyfi til veiða í atvinnuskyni og uppfylla skilyrði 1. gr reglugerðarinnar.

5% skal skipt jafnt á aðra báta sem hafa leyfi til veiða í atvinnuskyni og uppfylla skilyrði 1.gr.reglugerðarinnar.

6. gr. breytist og verður:

- a) *Fiskiskipum er skylt að landa þeim afla sem telja á til byggðakvóta og einnig úthlutuðum byggðakvóta, á fiskveiðiárinu 2015 – 2016 til vinnslu í Súðavík á tímabilinu frá 1. september 2015 til 31. ágúst 2016.*
- b) *Aflinn skal nema í þorskígildum talið einu og hálfu, (1,5) magni þess aflamarks sem þau fá úthlutað samkvæmt reglugerð þessari.*

Annað

Gerð er krafa um að úthlutuðum byggðakvóta, sem og mótframlagi, eins og kemur fram í breytingartillögu sveitarstjórnar í 6 gr. verði landað í Súðavík til vinnslu, sem sannarlega vinnur fisk og að aðilar skrifí undir slikt samkomulag áður en til úthlutunar kemur.

Sveitarstjórn ítrekar eftirfarandi sem kemur fram í 6. gr. reglugerðarinnar: Afla sem boðinn er upp á fiskmarkaði telst ekki hafa verið landað til vinnslu samkvæmt þessari grein.

Sveitarstjórn áskilur sér rétt til að athuga hverja skráða vinnslu í Súðavík til að ganga úr skugga um hvort sannarlega sé unnin fiskur í vinnslunni áður en vinnslusamningur milli kaupanda og eiganda fiskiskipsins er staðfestur af sveitarstjórn.

Greinargerð:

Súðavík á rétt á úthlutun 180 þorskígildistonna á fiskveiðiárinu 2015-2016.

Kapp verður lagt á að úthlutaður byggðakvóti verði ekki eins og lottóvinnningur til útgerða með litlum sem engum kröfum og í staðinn verði krafa um samstarf / samvinnu hagsmunaaðila þar sem lögð er áhersla á samfélagslega ábyrgð.

Í ljósi þessa er lagt kapp á að eftirfarandi vinnsla kaupi allan fisk og vinni hann á svæðinu.

Vestfiskur ehf verður kaupandi hluta aflans og mun vinna aflann á staðnum.

Vestfiskur vinnur/ herðir harðfírsk í Súðavík. Við fyrirtækið eru nú 6 heilsársstörf á svæðinu. Mikilvægt er að treysta þann grundvöll sem fyrirtækið þarf að hafa til að það nái að nærað, og vonandi að eflast, í súðvísku atvinnuumhverfi sem sárlega hefur þörf fyrir slikt fyrirtæki. Vonir standa til um að geta sýnt fram á eftir komandi fiskveiðiár 2015 – 2016 að fyrirtækið sé lifvænlegt og geti vel verið öflugt tannhjól í gangverk atvinnulífsins hér í Súðavík á komandi árum.

Eins og kemur glögglega fram í samþykktum sérreglum sveitarstjórnar er það skýlaus krafa sveitarstjórnar að öllum afla, hvort sem það er mótframlag fyrir byggðakvóta eða úthlutaður byggðakvóti á fiskveiðiárinu 2015 – 2016 verði lagt upp í Súðavíkur og unnin í vinnslu í Súðavík.

Sveitarstjórn er meðvituð um verklag Vestfisks og ítrekar að með þessum hætti er mögulegt að halda úti vinnslu, með 6 heilsársstöfum, sem áður hefur ekki tekist, með framlagi úthlutaðs byggðakvóta, sem er gífurlega mikilvægt fyrir lítið sjávarpláss.

Með þeiri skiptingu, eins og kveðið er á um í samþykktum sérreglum sveitarstjórnar, er reynt að ramma betur inn umhverfi þeirra sem fá úthlutaðan byggðakvóta í Súðavík þannig að þeir landi öllum tilætluðum afla í Súðavík, sem er afar mikilvægt, svo að tilgangur þessarar opinberu byggðaaðgerðar, sem byggðakvóti er nái fram að ganga.

Óskað er eftir staðfestingu ráðuneytisins á fyrrnefnd atriði.

Virðingarfyllst,
f.h. Súðavíkurhrepps

Pétur G. Markan
- sveitarstjóri -